

## ŠUMSKA SOVA

Šumska sova je sova srednje veličine sa velikom, okruglom glavom i bez uškica (paperja na ušima). Oči su im krupne i tamne, a kljun kratak i povijen. Boja perja je sivkasta sa braon ili riđim poprečnim i uzdužnim prugicama. Unutrašnje perje je svjetlije. Rep je kratak, a noge operjale.

Šumska sova je stanarica i uglavnom naseljava stare liščarske ili mješovite šume. Veoma je teritorijalna, pa kad jednom zauzme teritoriju brani je, i u njoj ostaje cijeli život. Dan provodi drijemajući uz stablo ili u nekoj šupljoj grani, a kad sunce zađe kreće u lov. Leti sa malo zamaha i veoma tiho, zahvaljujući mekom perju. Hrani

se mišolikim glodarima (miševi, vjeverica, puh i sl.), manjim pticama, gmizavcima, vodozemcima, a umije i da ulovi ribu.

Kada pronađu partnera, ostaju sa njim tokom cijelog života. Gnijezdi se u napuštenim dupljama koje su napravile vjeverice ili šupljim deblima, ili zauzimaju napuštena gnijezda svraka. Neustrašiva je kad treba odbraniti gnijezdo ili mladunce, pa uljeza napada svojim ostrim kandžama.

Lako ćete je prepoznati po svom karakterističnom oglašavanju huu-hu-hu, koje se ponavlja u razmaku od svake tri sekunde.



## DA LI ZNAŠ

... da je u antičkoj Grčkoj sova bila simbol dobre sreće. Povezivali su je sa Atinom, boginjom mudrosti, pa joj se prepisuje i ta osobina. Kao Atinina omiljena ptica, sova je bila zaštitnica grčke vojske u ratovima. Vjerovalo se da viđenje sove ukazuje na pobjedu.



## Zadatak:

### Zaokruži tačan odgovor

#### 1. Šumska sova živi

- a) na otvorenim poljima
- b) na visokim liticama
- c) u starim lišćarskim i mješovitim šumama

#### 2. Šumska sova se hrani

- a) manjim sisarima, manjim pticama, vodozemcima
- b) plodovima voća, plodovima bukve i hrasta
- c) crvićima i glistama

#### 3. Šumska sova pravi gnijezdo

- a) na visokim liticama
- b) u šupljinama drveća
- c) u trščaku

#### 4. Šumska sova je aktivna

- a) noću
- b) danju
- c) samo tokom ljetnjih mjeseci

Pokušaj da objasniš zašto je važno da sove prilikom leta budu veoma tihe.

---

---

---